

Aalisarnermut piniarnermullu naalakkersuisoqarfik
Box 269
3900 Nuuk
Att: Nuka Møller Lund

| | |
|---------------------|----------------|
| Ulloq / Dato | 15/012024 |
| All. nr. / Brev nr. | 24-00 15-- |
| J. nr. | |
| Sull. / Sagsbeh. | Ivly 7813 lok. |

E-mail: apn@nanoq.gl

Ukiuunerani 2024-mi tuttunniarnissamut aamma umimmanniarnissamut piffissaliussat pisassiissutillu pillugit tusarniaanermut akissuteqaat

Qeqqata Kommunian aalisarnermut, piniarnermut nunaqarfiillu pillugit atatsimiititaliap 15. januar 2024 ataatsimiinnermini tusarniaaneq pineqartoq eqqartorpa.

Qeqqata Kommuniata piumasarivaa Kangerlussuarmi Maniitsup aqutsiveqarfiani aamma Sisimiut aqutsiveqarfiani umimmannik kisitsisoqarnissaa kissaatigalugu helikopteri atorlugu kisitsinerup ukiuunerani umimmannik piniarnermut akornutaannginissaa pillugu.

Piniarfik 2, 3 aamma 4-mi ukiuunerani pisassiisoqannginnissaa Qeqqata Kommuniata akueringilaa matoqqatinneqassappata ukiup taamaalinerani piniartunut annertuumik isertitaqarnikkut eqquissamat. Isumaqaataannginnermut ilaatigut tunngavigineqarpoq piniartoqannginnissaanik taamak kingusitsigisumik Naalakkersuisuniit nalunaarutigineqarnera.

Piniarfik 2, 3 aamma 4-mi pisassiisoqassanngippat Qeqqata Kommuniata piniarfik 1-mi sunngiffimmi piniarnermut allagartallit ilanngullugit pisassinneqarnissaat taperserpa. Taamatuttaa qulaani pineqartuni pisassiisoqassanngippat Sisimiut aqutsiviani inuussutissarsiutigalugu piniartut kisimik pisassinneqarnissaat kommunip kissaatigivaa.

Qeqqata Kommuniata kissaatigivaa qimussimik piniarnermut immikkut pisassiisoqarnissaa.

Piniarfik 2, 3 aamma 4-mi pisassiisoqassanngippat Qeqqata Kommuniata kissaatigivaa Sisimiut aqutsiviani pisassat 224-it (2023-mi aasaanerani ukiaaneranilu pisarinngitsuukkat) pisassiinermi ilaneqarnissaat.

Qeqqata Kommuniata kissaatigivaa piniarnermut inatsimmi aalajangersaaq tunngavigalugu umimmanniarnissami pisassinneqassagaanni piumasaqaataassasoq piniutinik ATV-nik imalunniit qamuterallannik nammineq pigisaqarnissaaq.

Qeqqata Kommunianut saaffiginnittoqartassaaq, inunnut ataasiakkaanut pinani.
Henvendelse bedes adresseret til Qeqqata Kommunian og ikke til enkeltpersoner.

Ukiuni kingullerni sikuniartarnera kingusissukkut pisarpoq, tamanna tunngavigalugu umimmannik piniarnerup piffissami sivisunerusumi kingusinnerusukkut ingerlanneqarsinnaanera kommunip kissaatigivaa.

Piniarfik 2,3 aamma 4-mi pisassiisoqassanngikkaluarpat Kommunip piumasarivaa tammajuitsussarsiorluni piniartitsinernut aamma pisassiisoqassanngitsaq. Assigiimmik innuttaasut pineqarnissaat pillugu.

Piniarfik 2,3 aamma 4-mi pisassiisoqassanngikkaluarpat Kommunip kissaatigivaa ukiuunerani inuussutissarsiutigalugu piniartut tuttutassinneqarnissaat.

./.. Ilanngullugit nassiunneqarput Sisimiuni aalisartut piniartullu peqatigiifiisa SAPP-p aamma SAAPP-p tusarniaanermut ataatsimut akissuteqaataat 07.01.2024-meersoq aamma Sisimiuni saniatigooralugu piniarnermut allagartallit "Nattoralinnguaq" akissuteqaataat 05.01.2024-meersoq

Inussiarnersumik inuulluaqqusilluta
Qeqqata Kommunua sinnerlugu



Aqqalu Skifte

Ataatsimiititaliami siulittaasoq